

蜀

典

蜀典卷六

老威介侯甫張 澍編輯

風俗類

風俗始詩史公亦記後世沿之誇奢變積圜稱之傳姓氏
輿地各以風俗不免率意此之掌錄確乃不易

蜀俗

地理志蜀人敏惠輕急尤足意錢之戲小人薄于情理父子率
多異居校宋史太祖開寶元年六月癸亥詔荆蜀民祖父母在
者子孫不得別財異居二年八月丁亥詔川陝諸州察民有父
母在而別籍異財者論死太宗淳化元年九月辛巳禁川陝民

父母在爲贅婿可見蜀俗父母存而別財異居自晉已然今川中諸郡其家饒裕者早分金諸子其父母分食諸子按月計日不肯稍踰期死者殯葬之資公出有貧不能償者至爭訟不已俗之敝壞不忍言矣

蠶市

茅亭客話蜀有蠶市每年正月至三月州城及屬縣循環一十五處耆舊相傳古蠶叢氏爲蜀主民無定居隨蠶叢所在致市居此其遺風也少卿章岵嘗官於蜀持吳綾湖羅至官與川帛同染紅後還京師經徽潤吳湖帛色皆渝變惟蜀產者如舊後詢蜀人之由云蜀地畜蠶與他邦異當其眠將起時以乘灰煨

之故帛成宜色然世之重川紅以爲染之良蓋不知山蠶所致也

盆草

黃休復茅亭客話蜀人每中元節多食生五穀俗謂之盆草盛以供佛初至時介意禁觸謂嘗有雷護之既中元節後卽棄之糞壤

別歲

風土記蜀之風俗晚歲酒食相邀爲別歲

刀耕

唐書嚴震傳梁漢間刀耕火耨民采稻爲食

異壙

司馬溫公作程夫人墓誌云蜀人之附也同壙而異壙

苧綏 刺北斗

段成式酉陽雜俎峽中俗夸風不改苧苧蠻好著芒心接離名曰苧綏以稻記年月葬時以筭向天謂之刺北斗

鴈鷺祭神

圖經黎州通望縣每歲孟夏有白鷺鷥一雙墜地古老傳云眾鳥避瘴臨去鴈一鷺祭山神

月市

成都記正月燈市二月花市三月蠶市四月錦市五月扇市六

月香市七月七寶市八月桂市九月藥市十月酒市十一月梅市十二月桃符市

煎茱萸 艾子

禮記三牲用藪註藪煎茱萸也漢律會稽獻一斗焉尔疋謂之檄皇侃義疏云煎茱萸蜀郡作之九月九日取茱萸折其枝連其實廣長四五寸一升實可和十升膏名之藪也鄭氏及說文皆以煎茱萸爲藪蓋藪必煎爲用尔今蜀人猶呼其實爲艾子藪之訛也

展藥市

事物記原梓州九月初八日藥市逮本朝天聖中燕龍圖肅知

郡事又展爲三日至十一日罷

殺黃魚

酉陽雜俎蜀中每殺黃魚天必陰雨

汎月 巧月

蜀西南多雨名曰漏天杜工部詩鼓角漏天東是也楊升菴云
自秋分後遇壬謂之汎霑吳下曰八液宋黃仁傑夔州苦雨詩
九月不虛爲巧月今年賴得是豐年汎音讀爲怕平聲巧月通
雅引作朽月

十月雷

伏無忌古今注明年永平七年十月丙子越雋雷按嘉慶十九

年十一月十八日夜亥時鄧都縣雷鳴霹靂之聲逾時方止

蒸裹

詩話峽人十月一日多以蒸裹爲節物荆楚人多食焦糟故杜
詩云蒸裹如千室焦糟萃一社茲辰南國重舊俗自相歡玉堂
閒話王蜀劉隱謂南州設宴諸味將半然後下麻蟲裹蒸乃取
麻雀蔓上蟲如今之刺猯者是也以荷葉裹而蒸之齊民要術
云裹蒸生魚方七寸准又云五寸准豉汁煮秫米如蒸熊生薑
橘皮胡芹小蒜鹽細切熬糝膏油塗箸十字裹之糝在上復以
糝屈脯纂之

馬酒

按如淳漢書桐馬官注云主乳馬以韋革爲夾兜受數斗盛馬乳桐其上肥因名曰桐馬官今梁州亦名馬酪爲馬酒

羊腊

呂氏春秋本味篇臭惡猶美皆有所以高誘注臭惡猶美若蜀人之作羊腊小臭爲美各有所用也

鹿殘

內則切蔥若薤實諸醢以柔之鄭注云今益州有鹿殘者近山此爲之矣陸氏云殘于僞反益州人取鹿殺而埋之地中令臭乃出食之名鹿殘按青州蟹胥涼州烏翅南郡黃雀荊州鱖魚皆礼注也梁典劉孝儀曰鄴中鹿尾乃酒肴之最崔劼曰生魚

熊掌孟子所稱雞距狸脣呂氏所尙鹿尾乃有奇味竟不載于書籍每用爲恨孝儀曰實自如此或古今好尙不同梁賀季曰青州蟹胥乃爲鄧氏所記此物不書未解所以李騫曰鄧亦稱益州鹿殘但未是尾耳

魚鮓 鮓醬 苞蘆

爾雅魚謂之鮓郭注鮓鮓屬也蜀人取魚以爲鮓按以爲舊說作不去今考說文魚部鮓魚鮓醬也出蜀中義正合爾雅注博物志西羌仲秋月取赤頭鯉以爲鮓鮓鮓屬一云蜀人呼魚鮓爲苞蘆廣雅鮓差魚也又按春秋衛庾公差字子魚差卽鮓字也說文云鮓藏魚也南方謂之鮓北方謂之鮓信作鮓一名魚

蜀

藏梅法

食經藏梅法取梅極大者剝皮陰乾勿令得風經二宿去鹽汁內蜜中月許更易蜜則經年如新也

飴蜜

魏文帝與胡臣書云新城孟太守道蜀豬肫雞鶩味皆淡故蜀人作食喜著飴蜜見太平御覽

蜀茶

陸羽茶經傳咸司隸教曰聞南方有國蜀姬作茶粥賣爲簾事竹破其器具又云賣餅於市而禁茶粥以蜀姬何哉

茗飲

椶王襄僮約云老陽買茶常璩寧陽國志什邡縣山出好茶南安
安沓陽皆出名茶張載登成都白兔樓詩云芳茶冠六清孫楚
詩蒨桂茶薺出巴蜀本草衍義晉溫嶠上表貢茶千斤茗三百
斤則是自秦人取蜀而後始有茗飲之事

諸茶名

述異記巴東有真香茗其花白色如薔薇煎服令人不眠能誦
無忘圖經蜀雅州蒙頂茶受陽氣全故芳香其生最晚在春夏
之交方茶生常有雲霧覆其上若有神物護持之唐李德裕入
蜀得蒙餅以沃于湯瓶之上移時盡化以驗其真蒙頂又有五

花茶其片作五出蒙山白雲巖產雲茶雲茶山茶之別名也茶
謹蜀之雅州有蒙山山有五頂頂有茶園其中頂曰上清峯符
有僧病冷且久嘗遇一父老謂曰蒙之中頂茶嘗以春分之先
後多搆人力俟雷之發聲併手采擇三日而止若獲一兩以本
處水煎服卽能祛宿疾二兩當限前無病三兩固以換骨四兩
卽爲地仙矣是僧因之中頂築室以候及期獲一兩餘服未竟
而病瘥時到城市人見容貌常年三十餘眉髮綠色其後入青
城訪道不知所終今四頂茶園采摘不廢惟中頂草木繁密雲
霧蔽虧鶯獸時出人跡希到矣今蒙頂茶有霧鉸牙錢牙皆云
火前言造于禁火之前也火後者次之又有枳殼芽枸杞芽槎

杞芽者皆能治風氣疾又有阜莢芽槐柳芽皆上春摘摘其芽和茶作之又有壓膏露芽不壓膏露芽并冬芽言隆冬甲拆也又有研膏茶作片進之亦作紫芽段成式錦里新聞蒙頂山有雷鳴茶雷鳴時乃茁茶謹彭州蒲邨口其園有仙厓石花等號涪州出三般茶賓花最上製于早著其次白馬最下涪陵又云忠州之南賓有四園一多陵二多波三波羅四思龍皆方餅惟多陵爲上飯後飲之消食空腹朔飲多波次之二園下峽川石上紫花芽主治顧痛年貢一斤又有小江明月簪碧澗簪茶莫簪之名又云蜀州晉原洞口橫原味江青城其橫芽雀舌鳥觜麥顆蓋取其嫩芽所造以其芽似之也又有片甲者早春黃茶

芽葉相把如甲片也蟬翼者葉輒薄如蟬翼也皆散茶之最上也邛州之臨邛臨溪思安火井有早春火前火後嫩綠等上中下茶茶經瀘州之茶樹夸獠常攜瓢竄側每登樹采摘茶含于口中待其展然後置瓢中旋塞其竅歸必置于暖處故味極佳辛而性熱飲之療風茶謚云玉壘關外寶唐山有茶樹產于懸崖筍長三寸五寸方有一葉兩葉茶經巴東俗多煮檀葉竝大阜李作茶竝冷又南方木瓜蘆木亦似茗至若澀取爲屑茶飲亦可通夜不眠國史補劍南有蒙頂石花或小方或散芽號爲第一東川有神泉小國昌明獸目峽川有碧澗明月芳蘂茱萸

蒟蒻

益州記蒟之莖蜀人於冬月取以春碎炙之水淋一宿爲菹

杏仁方

景煥野人閒話云翰林學士辛寅遜在青城道院中夢皇姑謂
曰可服杏仁令汝聰明老而健壯心力不倦亦資千年壽矣求
其方則用杏仁一味每盥漱畢以七枚納口中良久脫去皮細
嚼和津液頓嚥日日食之一年必換血令人輕健與申天師怡
神論中者同寅遜遂日日食之老而輕健年逾從心猶多著述
饅頭

事物記原諸葛亮南征將渡瀘水土俗殺人首祭神亮令以羊

豕代取麴畫人頭祭之饅頭名始此按郎瑛七脩類藻蠻地以人頭祭神諸葛亮之征孟獲命以麴包肉爲人頭以祭謂蠻頭今訛爲饅頭也

蘆心布衣 紅勒帛

老學菴筆記成都士人家子弟無貧富皆著蘆心布衣紅勒帛狹如一指大稍異此則共嘲笑以爲非士流也

殺蠶法

博物志伏波將軍唐資蜀人殺蠶法先洒掃別粗細爲三輩盛著籠中作沸湯沒籠著湯中須臾取一片橫截斷視其熟否裏既熟訖便內著甕中細擣米末以覆上令蠶不見訖以向陽令

復沸使相淹消息視罌中當自沸沸便陰乾之

甲乙膏

事物紺珠甲乙膏蜀人二月以豉雜黃牛肉作非上客不獻

稀莖方

蘇頌曰蜀人單服稀莖法五月五日六月六日九月九日采葉去根莖花實淨洗暴乾入甌中層層洒酒與蜜蒸之又暴如此九過則氣味極香美熬搗篩末蜜丸服之云甚益元氣治肝腎風氣四肢麻木骨間冷腰膝無力者亦能行大腸氣知益州張詠進稀莖丸表略云竊以餐食飲水可作充腸之饌餌松含柏亦成救病之功是日療飢者不在於羞珍愈病者何煩於異術

倘或濟時之藥輒陳鄙物之形不恥管窺輒干天聽臣因換龍
興觀掘得一碑內說脩養氣術并藥方二件依方差人訪問采
覓其草頗有異金稜銀線素莖紫莖對節而生蜀號火杓莖葉
頗同蒼耳不費登高歷險每常求少獲多急采非難廣收甚易
倘勤久服旋見神功誰知至賤之中乃有殊常之效臣自一服
至百服眼目清明卽干服髭鬚烏黑筋力輕健效驗多端臣本
州有都押衙羅守一曾因中風墜馬失音不語臣與十服其病
立瘥又和智嚴年七十忽患偏風口眼喎斜時時吐涎臣與十
服亦便得痊今合一百劑差職貢史元奏進

楊桐飯

續碎錄蜀人遇寒食日採楊桐葉染飯色青而有光食之資陽
氣謂之楊桐飯道家謂青餽飯

食米成瘕

醫說好食生米口中出清水以鷄矢同白米各半合炒爲末以
水一鍾調服良久吐出如米形卽瘥昔愼恭道病此肌瘦如勞
蜀僧通廣處此方而愈

雲子

許顗彥周詩話云雲子雨也言如雨點耳出荀子雲篇按荀賦
有友風而子雨句許以之解雲子真是謬誤葛洪丹經用雲子
碎雲母也今蜀中有碎礫狀如米粒圓白雲子石也杜詩飯抄

雲子白蓋用方言若漢芷內傳所云以赤者爲風實白者爲雲
實蓋丹也

火米

陳師道後山叢談蜀稻先蒸而後炒謂之火米可以久積以地
潤故也蒸用大木空中爲甌盛數石炒用石板爲釜凡數十石

紫花梨

蘇頌曰紫花療心熱唐世帝有此疾百藥不效青城山邢道人
以此梨絞汁進之帝疾遂愈復求之不可得常山郡忽有一株
因緘封以進之帝多食之解煩燥殊效歲久木枯不復有種今
人不得而用之矣

巴竹筍

陸璣詩疏巴竹筍八月九月生始出地長數寸鬻以苦酒豉汁浸之可以就酒及食

金羹

天中記蜀廣安有金羹玉飯紅腊紫黎金羹謂鴨也通志云女兒穀卽方輿覽勝所謂金羹玉飯也穀有數十種以女兒穀爲佳

秬豆

邵義恭廣志秬豆苗偁小豆紫萼可爲麩生朱提

拂油巾

浣花旅地志拂油巾蜀人奉親之服

竹根

段氏蜀記巴州信以竹根爲酒注子爲時所珍按杜工部詩云
醉到終向卧竹根蓋以竹根爲酒器也而庾信詩云野鑪燒樹
葉山林奉竹根是以竹根爲酒器不始唐時矣

蜀典卷七

卞威介侯甫張 澍編輯

方言類

林間博學好問輜軒子雲師之乃作方言瓠覘兼用腰臑
實繁尙隱蜀雅踵此爲根掇拾遺佚莫莫斯存

不律

郭璞注尔足釋器云蜀人呼筆爲不律按說文吳人呼筆爲不
律

梁

水經注雍閬反結壘于山繫馬柳柱柱生成林今夸人名曰雍

無梁林梁夸言馬也按柳近刻訛爲柳說文柳繫馬柱蜀志先主解綬繫督郵著馬柳是也

謫

說文益梁曰謬欺天下曰謫

姐

說文蜀人謂母曰姐按此方言也其字當蜀人所製又溼書多如注姐音紫必蜀人讀母聲若姊故云謂母曰姐耳

氏

說文巴蜀名山崖脅之旁箸欲落墉者名氏氏崩聲聞數百里象形入聲凡氏之屬皆从氏揚雄賤響若氏隕按韻會引小徐

本云蜀謂山岸之堆旁簪欲壻者曰氏毛季斧不補堆字而補聲字非也

聃

說文益梁之州謂聃爲聃方言半聃梁益之間謂之聃注言胎聃煩憤也

茆

說文菴蒲益州曰茆按今本說文茆字下云昌蒲也从艸卽聲益州生他本作葢益州云猶益州語菴蒲益州呼茆茆各本菴蒲上脫茆茆二字此本依小徐作生非也

坦

說文益州部謂蠹場曰坦按方言云梁宋之間蚍蜉蝼鼠之場謂之坻蠹場謂之坦郭注其糞曰坦梁宋當作梁益乃與許慎說合

鵠鵠

方言布穀梁楚間謂之鵠鵠

總

說文總蜀白細布也凡布細而疏者謂之總

葭 葭櫟 苦茶

揚子方言蜀西南人謂茶曰葭集韻巴南呼茶曰葭櫟郭尔正注釋木櫟一名葭蜀人名之苦茶一引注云茶早取爲茶晚取

爲茗獨人名之苦茶

壤 腰

揚雄方言梁益之間凡人言盛及其所愛偉其肥臑謂之臑臑
與盛同郭注云臑音壤肥腰多肉也按晉灼引方言云梁益之間
所愛諱其肥盛曰壤疑有訛脫李善注文選云方言曰瑋其肥
盛說文益州鄙言人盛諱其肥謂之腰許祭酒說與揚子雲異
揚氏之壤與鄒陽書之壤子同也偉當爲諱字之訛

編

方言蜀鹽謂之編廣韻編蜀人呼鹽也

肖

方言肖法也西楚梁益之間曰肖按一引云肖類法也西南梁益之間凡言相類者謂之肖廣正亦云肖灋也

格跂

方言躡格登也梁益之間曰格或曰跂按郭璞尔正注引方言云梁益曰格

桃笙

方言巴蜀謂簟爲桃笙乃桃竹簟也按劉逵吳都賦注吳人謂簟爲笙

矐

方言梁益之間矐目曰矐轉目顧視亦曰矐按說文矐目多精

也益州謂瞋目曰瞋玉篇瞋轉目貌與揚子雲說同

纖

方言纖小也細也梁益之間凡物小謂之纖按說文作𦃟

𦃟

方言蠙梁益之間謂之𦃟按一作𦃟

鉞 覘

方言鉞覘裁也梁益之間裁木爲器曰鉞裂帛爲衣曰覘按蜀都賸鉞覘兼呈郭璞注鉞音劈歷之劈覘音規鉞之言劈覘之言封也

𦃟

一切經音義云𩚑血又作𩚑上隴反尔疋腫足爲𩚑今巴蜀極多此疾手臂有者亦呼爲𩚑也

𩚑

方言𩚑𩚑𩚑梁益秦晉之間曰𩚑

𩚑

方言𩚑几也西南蜀漢之郊曰𩚑𩚑音賜按漢書藥菰枕𩚑注引方言作𩚑音思清反近本作𩚑者非

𩚑

方言𩚑會也梁益之間曰𩚑按說文𩚑觸也从牛氏聲玉篇作𩚑韻會通作抵邸氏

粒通

顏氏家訓勉學篇云吾在益州舛數人同坐初晴日晃見地上小光問左右此是何物有一蜀豎就視答曰是豆通余相顧愕然不知所謂命將取來乃小豆也窮訪蜀土呼粒爲通時莫之解吾云三蒼說文此字白下爲七皆訓粒通信支音力方反累皆歡悟

屣

方言屣西南梁益之間或謂之屣或謂之屣履其通語也按屣今本作屣非廣韻集韻並音跨說文屣履也一云青絲頭屣也襦

方言西南蜀漢謂之曲領或謂之襦

蜾蜊

方言蜾蜊梁益之間謂之蜾或謂之蜋或謂之蜉蜾

鼻祖

周祈名義考云方言梁益謂鼻爲祖獸之初生其鼻先見故謂鼻爲祖

銚

廣韻蜀呼銚銚爲銚按杜甫詩土銚冷疏煙注銚音挫蜀人呼銚爲銚

舩艇

廣韻船蜀人謂舟淮南子倣真訓越船蜀艇不能無水而浮按
高誘注云蜀艇一板之舟訓蜀爲一義本方言但越船蜀艇皆
以其地名之若以蜀艇爲一版之舟則於文不類矣

呈

博物志云酸楠七月出穗蜀謂之呈呈音穗其字从一从口从
土與主客之主不同

鐺

集韻鐺力救切音溜梁州謂斧曰鐺按揚子方言飀自關而東
或謂之酢鐺一作礪蘇東坡詩先生飯土塏字从土

漿

廣韻集韻漿匹智切音譬蜀漢人呼水洲曰漿方言水中可居爲洲蜀漢謂之漿郭注音手臂之臂

𡵚𡵚𡵚

按集韻𡵚本作氏卽姓氏也又引說文云巴蜀名山崖脅之旁著欲墮落者名氏或作𡵚是誤以𡵚爲𡵚也楊淮開石門碑文有曰以漢𡵚焉𡵚卽氏字洪文惠讀𡵚爲抵非也猶費汎碑以𡵚爲氏耳又揚雄解嘲響若𡵚𡵚注師古曰𡵚丁禮反巴蜀人名山旁堆欲墮落曰𡵚應劭以爲天水隴𡵚失之是𡵚卽𡵚字

娛

說文娛好也从女虞聲讀若蜀羆布名徐鍇曰此今人所書娟

字也

船

韻會衣領曰船正字通蜀信以船爲襟穿續演繁露杜詩天子呼來不上船或言衣襟爲船誤按蜀人呼衣繫帶爲穿信因改穿作船費著紙謹凡紙皆有連二連三連四售者連四一名曰船是以蜀人又以紙名船也

岸漑土銼

杜詩土銼冷疏烟吳若本注

銼音推

蜀人呼釜爲銼因學紀聞滿

水李氏云老杜多用方言如岸漑土銼皆黔蜀人語按漑爲水中灘磧之名舉易國志姚超二女沈水夢於其兄明日屍至於

溉下水經注青衣江鹽溉北夢瑣言夾江有羅雲溉宋史昌元
永川縣有松溉是也又按都江考都江口置大堰疏北流爲三
曰外應溉永康之導江成都之新繁而達於懷安之金堂東北
曰三石洞溉導江昇彭之九隴崇寧濠易而達於漢之雒東南
曰馬騎溉導江與彭之崇寧成都之郫溫江新都新繁及成都
濠易

獬

何承天纂文梁州以豕爲獬獬一引作獬

獬

考工記輪人注鄭司農云蜀人言獬曰獬

礪

止字通水疾崖傾曰礪蜀江自嘉州荆門水路有燕子礪閭王

礪

茄

詩正義引尔疋郭璞注蜀人以藕爲茄

竿蔗

一切經音義云廣志作竿蔗今蜀謂之甘蔗按甘蔗卽上林蔗
之諸柘洞冥記作甘蔗

蹲鴟

說文芋大葉實根驚人者也故謂之芋蜀多此物可食其大者

謂之蹲鴟也

瞿塘

夔州府志瞿大也塘水所聚也又秋冬水落爲瞿春夏水漲爲塘按樂府解題云瞿盛也塘陂池水也言盛水其中可以行舟又云夏則爲瞿冬則爲塘并府志說又不同

瀆淖 瀆沱 腦

杜甫詩撇漩捎淖無險阻注今川蜀語漩瀆皆去聲按范成大
有刺瀆淖詩并序云瀆淖盤渦之大者峽江水大則有之王周
峽船記峽水湍峻激石忽發者謂之瀆沱湱而漩者謂之腦瀆
淖卽瀆沱也

冒絮

史記絳侯世家薄太后以冒絮提文帝集解晉灼引巴蜀異物志云巴蜀名頭巾爲冒絮按應劭謂陌額絮顏師古曰冒覆也老人所以覆其頭也漢書皇后親蠶絲絮織室作祭服皇后得以作絮巾管寧別傳寧著絮巾卽冒絮也博物志亦云蜀人以絮巾爲冒絮

絞篴

方輿勝覽鹽泉有絞篴引泉踏谿每一筵用一篴歲十月旦日以新易陳有司作樂以臨之井民相慶謂之絞篴按類篇篴竹引水也一曰竹木爲東西陽雜俎晉時錢塘有人作篴年取魚

億計號萬匠篋蓋以竹爲魚梁也

梠

郭景純江賦梠澱爲涔浹渚羅筌桡哀八年左傳囚諸樓臺梠之以棘杜注云梠擁也釋文梠本又作荐梠之言荐也韋昭注國語云荐聚也小尔疋云魚之所息謂之措措梠也積柴水中而魚舍焉尔疋摻謂之涔郭注今之作梠者聚積柴木於水中魚得寒入其裏藏隱因以薄圍捕取之周頌潛簋潛有多魚毛傳潛摻也韓詩作涔云涔魚池也淮南子說林訓罾者扣舟高誘注云罾者以柴積水中以取魚魚聞繫舟聲藏柴下雍而取之也說文以柴木雍水曰梠今萬縣有魚梠山下廣上銳崖面

有石形如雙魚

一流

食貨志朱提銀重八兩呼爲一流

鱣鮓 鮓鮓

魏志四時食制鮓一名黃魚大數百斤骨軟可食出江陽犍爲
陸璣詩疏鮓益州人謂之鱣鮓大者爲王鮓小者爲鮓鮓一名
鮓按說文鮓鮓也周雒謂之鮓蜀謂之鮓鮓李奇注上林賦
云周洛曰鮓蜀曰鮓鮓而段玉裁說文注引陸疏曰益州人謂
之鮓鮓并今詩疏不同又云今川江中尚有鮓子魚脊在南溪
縣巫山縣食之

獠

郭義恭廣志蜀名梅爲獠大如雁子梅獠可以爲油黃梅以熟獠作之

謂北曰卜

郭忠恕佩觿云巴蜀謂北曰卜原注詩云自西自東自南自北音卜無思不服取其協韻有遺風矣

蘭干

粵易國志蘭干獠言紵

馬酒

如淳漢書注捫馬主乳馬以韋革爲夾兜受數斗盛馬乳捫取

其上肥因名桐馬今梁州名馬酪爲馬酒

洪

李吉甫元和志蜀人謂水口爲洪按益州記婁婁灘東六里有射江西魏因置縣土人訛江爲洪後周從信改縣爲射洪云寶字記引李膺蜀記云鄴江灘東六里有射江土人語譌以江爲洪又昇李宏憲說異蓋古人爲石梁絕水水激而洪大如吕梁洪難翹洪落馬洪百丈洪皆是也

灋

陸游入蜀記山澗之流凡通江者土人謂之灋按夔州有西灋東灋是也前漢溝洫志杜欽曰屯氏河羨溢有填淤反灋之害

其意并蜀之言灋同

市暨

杜詩夔府詠懷百韵有云市暨灋西頭公白注市暨夔人語也
市井泊船處謂之市暨江水橫通山谷處謂之灋

孟

今蜀人忌人清晨昇說夢犯者唾之以爲不祥亦諱孟字孟家
店呼爲忙家店余以爲其說有自王氏見聞錄云蜀王衍舅徐
延瓊累世富盛於興義門造宅宅內有二十餘院皆雕墻峻宇
高臺深池奇花異卉叢桂小山山川珍物靡所不有有紅牡丹
一株取自秦州董城邨院者也植於新第請少主臨幸少主歎

其基構華麗侔於宮室遂戲命筆於柱上大書一孟字時俗謂孟爲不堪故也明年蜀破孟知祥入成都據其第忽覩楹門有絳紗籠迫視乃一孟字孟曰吉祥也吾無易此居孟之有蜀蓋先兆也青箱雜記云蓋蜀人謂孟爲弱以戲之

謂笛爲曲

老學菴筆記魯直在戎州作樂府云老子平生江南江北愛聽臨風笛孫郎微笑坐來聲噴霜竹子白蜀見其藁今俗本改笛爲曲以協韻非也予居蜀久習其語音乃知遽敘間謂笛爲曲故魯直得借用亦因戲之耳

苞蘆

尔疋翼蜀人呼魚鮓爲苞蘆古詩云新鯉苞蘆美杜詩香飯兼苞蘆蘇東坡謂蜀人呼鮓爲苞蘆

棚

太平寰宇記都安堰一名湍堰李冰壅江作堰蜀人謂堰爲棚
桡棚并湍通

枋

方言蜀人以木偃魚曰枋

棟

李膺益州記蜀人謂分嶺爲棟桡寰宇志陽安陽縣西七十里
有分棟山卽分嶺山也名山縣有弱棟坂又郡國志注犍爲有

楊母弄棟之險若越絕書之棟山弁鎮同

填

集韻必駕切音霸蜀人謂平川曰填按集韻又音具障水堰也
今人謂堰埭曰填是从土从貝故音貝疑誤

竿

元和志凡言竿者夸人於大江水置簾爲橋謂之竿其定竿
大竿皆是近水置竿橋處

園

輿地紀勝獠人呼天曰園摩園言此山摩天也山在閬中

浩

按黃庭堅曰健爲之俗謂江之瀼水爲浩戎州有金箱浩王士
正曰巴人謂小港爲浩巴縣有龍門浩

虜子

老學菴筆記蜀人謂中原人爲虜子東坡詩久客厭虜僮是也
因目北人仕蜀者爲虜官晁子止爲三榮守民有訟資官縣尉
者曰縣尉虜官不通民情子止爲窮治之果負冤民旣得直拜
謝而去子止笑諭之曰我亦虜官也汝勿謂虜官不通人情聞
者皆笑

亥市

青箱雜記云蜀有亥市亥音皆言如痃疰間日一發也諱亥故

曰亥按李淳風易鏡占漁獵勝負篇云取魚卦宜二水又云魚宜見水忌土蓋亥子屬水故賣魚之市名亥市也吳曾漫錄豫章古漁父詞云魚收亥日妻到市醉臥水痕船信風

奴婢瘡

博物志云俗言壯士不病瘡故蜀人以瘡爲奴婢瘡

淤

史記集解云淤亦洲名蜀人云見方言

胸臆

本草蚓巴人謂之胸臆按漢志巴郡有胸臆縣顏師古注胸音劬杜佑通典作胸臆胸音蠢如尹切許慎說文胸脯臍也其俱

切胸臆蟲名漢中有胸臆縣地多此蟲因以爲名胸如順切臆
大尹切讀如閨蠢然叔重言胸臆屬漢中誤胸臆縣屬巴郡今
夔州雲陽梁山二縣卽其地胸當作胸不宜从句問奇集音瞿
閨則作字爲胸矣

謂病風者爲雲

老學菴筆記曹孝忠以醫得幸政和宣和間其子以翰林醫官
換差官又換文遂除館職初蜀人謂病風者爲雲畫家所謂趙
雲子是矣至是京師市人亦有此語館中會語語及宸翰或謂
曹氏子曰計公家富有雲漢之章也曹忽大怒曰尔便雲漢坐
皆惘然而曹肆罵不已事聞復還右選除閤門官

噫嘻噫 嗚呼 噫嘻

宋景文筆記蜀人見物驚異輒曰噫嘻戲李太白作蜀道難因
用之老學菴筆記蜀人見人物之可誇者曰嗚呼可鄙者曰噫
嘻

塊

何光遠鑒誠錄鬼傳書篇指揮使姜師古卓旗占得西南肖波
塊注云塊苦因反蜀人呼老弱爲波墳冢爲塊

波

范成大吳船錄蜀人稱尊者曰波祖及外祖皆曰波嘉州有王
波渡又有天波月波按波當作番卽幡字黃山谷謫涪州自號

涪皤不謬宋景文筆記蜀人謂老爲皤音波取皤皤黃髮義後有賊王小皤作亂今國史乃作小波非是而何光遠鑒誠錄又云蜀人謂老弱爲波

苴苞

史記張義傳苴蜀相攻擊正義徐廣曰譙周云益州天苴讀爲苞黎之苞音弁巴相近以爲今之巴郡索隱云苴音巴謂巴蜀之夷自相攻擊也今作苴者按巴苴草名今論巴誤作苴也或巴人巴郡本因巴苴得名所以其字遂以苴爲巴也注引天苴卽巴苴也譙周蜀人知天苴之音讀爲巴犁之芭按芭犁卽織木苴所以爲葦籬也今江南亦謂葦籬曰芭籬

𦵏 彫 𦵏

唐書黎邛二州西百里有三王蠻謂之淺蠻蓋白馬氏之遺種
有楊劉郝三姓爲雄長稱王部落疊贅而居號𦵏金史炤曰𦵏
大也多也音丁么反按史說非也後漢書冉駹夸皆依山居止
累石爲室高者至十餘丈爲邛籠注云今彼土夸人呼爲彫也
蓋𦵏本作彫廣韻無𦵏字今則呼爲𦵏樓唐書所云𦵏金卽𦵏
金耳非多大之訓

葵子

癸辛雜志今成都麵店中呼蘿蔔爲葵子雖市井語亦有所謂
尔疋曰葵蘿服郭璞注以葩爲服俗呼雹葵先北反或作葡釋

日紫花菰也一名葵

黎祁

陸游詩洗釜煮黎祁注蜀人呼豆腐爲黎祁按一名來其黎來音同虞伯生集鄉語謂豆腐爲來其

牢

方輿紀要夔牢山在敘州府西北四十里山高曠穽人嘗會聚于此土語樂爲牢也

簪

按簪音弥說文簪簪也簪折竹篴也照經音義引聲類云簪篴也又云今蜀土及關中皆呼竹篴爲簪長阿含經音義作簪也

支反字林云竹箴也經之作箴義同作箴非也而阿毗婆沙論第三十七卷白塔竹箴音義云莫結反埤蒼析竹皮也中國謂竹箴爲箴箴音弥蜀土亦然也是箴箴箴三字必有一誤

連點七

宋何耕字道夫知嘉州普通山寺詩注云蜀人呼鵲鴿爲連點七有問青州禪師洪杲者曰如何是連點七師曰屈指數不及地上無踪跡故云

耶希

酉陽雜俎雲陽夸人謂鹿爲耶謂屎爲希

傷僂

黃山谷集偏僿物不調也蜀人語音塔鞞

銑黠 夷奕

郎仁寶七修類聚云黃山谷集中有銑黠夷奕等字蜀語也按說文有夷奕字夷胡結切頭衰飢態也奕古屑切頭傾也顧隣初云俗以捧物不敬曰夷奕又按黠蒲併切

渙盾

釋名盾隆者曰渙盾本出於蜀蜀渙所持也按一本作隆者曰須盾本出於蜀須所持也字有訛脫據太平御覽引增改

鮮翠

陸務觀老學庵筆記東坡牡丹詩云一朵妖紅翠欲流初不曉

何語及游成都木行街大署市肆云郭家鮮翠紅紫舖乃知蜀人鮮翠言鮮明也

昆叟

寧陽國志都監夸人大種曰昆小種曰叟

耆老

寧陽國志夸中有桀黠能言議屈服種人者謂之耆老

雍泔

按雍泔水在丹稜縣南二十里下流合青衣水舊志云蠻語藥曰雍漿曰泔是水可以禦疾而甘美如漿也

冬烘

葉夢得避暑錄話唐人言冬烘是不了了之語故有主司頭腦
大冬烘錯認顏標是魯公之言以爲戲設今蜀人多稱之崇寧
末安國同爲郎成都人詹某爲諫官故以安國嘗建言移寺省
上章擊之其畧云謹按某官人材闊冗臨事冬烘蓋以其蜀人
聞者無不笑之安國性隱而口吃每戰手躍於眾曰吾不辭譴
逐但冬烘爲何等語於是傳之益廣遂目爲冬烘公

懶

字彙補懶許多切音呵見四川廣志

急

字彙補蜀夾江縣酒官碑云南由市入爲闌北抵湖出爲急得

慎云糸卽古亦字董斯張吹景錄亦古掖字通閣卽掖門也

長年

宋祁筆記云蜀人謂施師爲長年三老杜甫用之詩人不以事
害意古今詩話川峽以篙手爲三長老蓋推一船之最尊者言
之陸游入蜀記長讀如長舟之長長年三老梢工是也

彌泥世廂房宏能耗廟故舛也說

玉谿編事前蜀嘉王頃爲親王鎮使理廨置得一鐵鏡下有篆
書十二字人莫能識命工磨拭光可鑑物挂於臺上百里之內
並見復照見市內有一人弄刀鎗賣藥遂喚問此人云只賣藥
元不弄刀鎗嘉王曰吾有鐵鏡照見尔賣藥遂不諱仍請鏡看

以手劈破肚內鏡于肚中足不著地冉冉昇空而去竟不知何
所人其纂列之如左

馬戶

按王褒僮約有云調治馬戶御覽注云馬戶水門也蜀每以落
置水流養魚欲食乃取之

泥

老學菴筆記竹坡詩話並云蜀人謂糊牖曰泥牖花藥夫人宮
詞云紅錦泥牖繞四廊非曾遊蜀亦所不解

遨頭

老學菴筆記四月十九日成都謂之浣花遨頭宴於子美草堂

滄浪亭傾城皆出錦繡夾道自開歲宴遊至最而止故是盛于
他時予客蜀數年屢赴此集未嘗不晴蜀人云雖戴白之老未
嘗見浣花日雨也

阿娒

楊子方言巴濮之人自稱阿娒按前漢書西南夷傳夷人自稱
曰娒鼻子雲說合郭璞尔疋注引說文曰女人稱我曰娒娒卽
娒字也又按古文易兌爲妾爲娒則娒字古有之

夸經

寧陽國志夸人好譬喻物謂之夷經

遑耶

寧陽國志與夸爲姓曰遑耶諸姓爲自有耶世亂犯法輒依之
藏匿或曰有爲官所法夸或爲報仇與夷至厚者謂之百世遑
耶思若骨肉爲其逋逃之數南人爲其醜變恃此也

餽

李夢譏語詩拈餽祗指不知休注蜀呼蒸餅爲餽

川主

按今蜀人皆呼李冰爲川主顏其廟曰川主廟然川主之名則
遠矣續錦里耆舊傳天成二年己亥川主斬兩川監軍使李嚴
川主指孟知祥也是蜀人稱其地官之最尊者曰川主耳

蜀典卷八

左威介侯甫張 澍編輯

器物類

左宮仙枕今不可得鄧通銅錢亦復銷勒金馬刀奇越
珠澤魚復鐘牛光孝箇鐵列而評之猶勝服匿

張儀鼎

鼎錄張儀伐蜀鑄一鼎高三尺文曰定蜀大篆書

犍爲磬 漢中鐘

三輔黃圖成帝時犍爲郡水濱得古磬十六枚劉向說帝宜興
辟廱漢書禮樂志成帝時犍爲郡于水濱得古磬十六枚按周

官小胥凡縣鐘磬半爲堵全爲肆鄭注云鐘磬皆編縣之二十六枚而在一簾謂之堵鐘一堵磬一堵謂之肆襄十一年左傳鄭人賂晉侯以歌鐘二肆杜注肆列也縣鐘十六爲一肆二肆三十二枚晉語亦云蓋縣鐘十六爲一肆此適符一肆之數故議者以爲嘉祥晉起居注咸熙十年漢中民間水涯有異聲若雷旣而兩岸崩有鐘十二枚出制作精巧擊之有和聲清韻

嚴君平卜卦錢

天中記益州嚴真觀有通仙井與廣漢綿竹君平宅井相通有人淘井得銅錢三徑可二寸因恍惚不安復投井中立愈或云此君平卜卦錢也

揚雄硯

誠齋雜記洪崖先生欲歸河內舍下劉守璋贈先生揚雄鐵硯
彌牟布

唐志成都府土貢高杼布瀋州貢彌牟布紵布按彌牟鎮名今
在新都唐時爲瀋州地也

白芳子

明史國子學錄黃明善言宋時多剛縣蠻爲寇用白芳子兵破
之白芳子者卽今之民壯按多剛卽哆剛今興文縣通鑑王宗
勳等追及宗弼于白芳注云九域志簡州金水縣有白芳鎮白
芳作白芳竝白芬者均譌

桐華布

史記張騫在大夏時見蜀桐華布按蜀都賧布有桐華粵易國志益州有梧桐木其花朵如絲人績以爲布名曰桐華布

土蘆布

史記大宛列傳張騫曰臣在大夏時見邛竹杖蜀布正義云布土蘆布也

緹

說文緹蜀細布也按緹當卽黃潤也左思蜀都賧黃潤比筒注黃潤謂筒中細布也揚雄蜀都賧筒中黃潤一端數金

紵

說文紕氏人殊縷布也按漢志都郡應劭云故白馬氏羌羌易國志云老都郡有氏僂殊縷布者蓋殊縷也而相間織之紕之言駢也

毳毼

說文紕氏人縷也揚雄蜀記重南越毼毼注縷也今之毼毼校毼毼毛縷也謂之旄屬逸周書王會篇云正西以白旄紕屬爲獻是也後漢西南夷傳冉駹夸能作毼毼毼卽紕也又旄弁釐通尔疋云釐屬也亦謂之毼又曰毼毼漢書高祖紀注云屬織毛若今毼及毼毼之類毼卽褐字詩鄭箋云褐毛布也褐弁毼同又謂之毼晉語注云鳥羽繫於背若今軍將負毼矣亦曰毼

氎玉篇云氎氎屬曲文者又曰氎字林云屬之方文者曰氎氎當卽氎字又謂之氎廣韻云氎氎氎也又謂之氎氎通俗文云織毛褥謂之氎氎細者謂之氎氎氎氎亦作氎氎作氎氎者誤又謂之氎通俗文云毛布曰氎漢書烏桓傳云婦人能織氎氎又謂之氎氎廣雅云氎氎屬也又曰氎氎亦見廣疋氎屬曲文者見玉篇曰氎氎秦蜀之邊多有之

氎籠

清夜叢說巾幘女子未笄之冠蜀中名氎籠

鵝溪絹

唐書地理志陵州仁壽郡土貢麩金鵝溪絹細葛績隨苦藥

雙鉤

魏文帝曹丕答先帝書曰獲累紙之命兼美之貺他既備善雙
鉤尤妙前後之惠非賢兄之貢則執事之貽也來若川流聚成
山積其充匱筭填府庫者固已無數矣按曹丕與王朗書云不
受江漢之珠而愛巴蜀之鉤者此言難得之貴寶不若易有之
賤物是蜀舊有雙鉤也

側竹弩

晉書陶璜傳璜送蜀人孟幹爨能李松等至建業孫皓將殺之
或勸皓言幹等忠于所事宥之以勸邊將將徙之臨海幹等志
欲北歸慮東徙轉遠以吳人愛蜀側竹弩言能作之皓遂付作

部後幹逃至京師松能爲皓所殺按蜀之竹弩始於秦昭王時之廖仲秦精藥何也

瓊玉

竹書紀年夸王二年巴人呂人來獻瓊玉賓於河用介珪

光珠

穆天子傳天子北征舍於珠澤注今越巂平澤出青珠是按玉篇平澤作平津誤水經注若水旁有光珠穴嚶易國志廣易縣山出青珠永昌羈博南縣有光珠穴出光珠珠有黃珠白珠青珠碧珠博物志光珠卽江珠也揚子雲賦亦用江珠江珠宜卽逸周書之江歷邵義恭廣志以琥珀爲江珠博物志亦以江珠

爲琥珀別名夫琥珀豈有珠名漢書旣言光珠又言琥珀可知爲二物矣神農本草經云青琅玕味辛平主身痒火瘡癰傷疥怪死肌一名石珠一名青珠出蜀郡平澤說文琅玕似珠者鄭玄禹貢注云琅玕珠也是又以爲琅玕矣南中志呂凱于祥太康中獻光珠五百斤遷南夸校尉

黑玉

太平御覽西蜀出黑玉按夸門廣牘黑玉其色黑如漆又謂之墨玉價低西蜀有之卽今珙縣所出之磐石可琢爲器古所謂黑玉也

碧玉

說文碧玉石之美者也今越嶲東山出碧玉廣雅碧玉青玉也
黃銀

山海經皋塗之山部注黃銀出蜀中弁金無異但上石則色白
本草蜀中出黃銀方勺泊宅編黃銀蜀中人罕識朝散郎顏京
監在京抵當庫有以十釵質銀者其色弁上金無異試之則正
白唐書杜如晦傳黃銀鬼神畏之太宗賜房元齡黃銀帶

瑟瑟

藝易記開明氏造七寶樓以眞珠結成簾藻武帝時蜀罷火燒
數千家樓亦燼今人往往於沙土中獲眞珠趙抃蜀都故事石
笋在街西門外二株雙存云眞珠樓基管胡人于此立爲大秦

寺門樓十間皆以珍珠翠碧貫之爲簾後摧毀墮地至今基地
每有大雨多拾珍珠瑟瑟金翠異物按杜甫石笋行雨中往往
得瑟瑟卽指此也

百丈

演繁露杜詩多用百丈問之蜀人云水峻岸石又多廉稜若用
索牽過石輒斷故劈竹爲大瓣以麻索連貫以爲牽具是名百
丈按南史朱超石傳宋孝武伐超石董舟師入河陽軍人緣河
南岸牽百丈有漂渡北岸者陸遊入蜀記上峽惟用艚及百丈
不復張帆百丈以巨竹四破爲之大如人臂予所乘千六百斛
舟用艚六枝百丈兩車

麻紙

唐書藝文志大府月給蜀郡麻紙五千番季給上谷墨十六丸
歲給河間景城清河博平西郡兔千五百皮爲筆材唐志唐平
隨後經籍漸備書有四部一曰甲爲經二曰乙爲史三曰丙爲
子四曰丁爲集故分爲四庫皆以益州麻紙寫其本有正有副
軸帶籤帙以異色別之

蜀箋

李肇國史補紙之妙者有蜀之麻面屑末

一作薛骨

滑石金花長麻

魚子十色牋蜀牋紙譜蜀箋紙盡用蔡倫法有玉板貢餘輕屑
麥光牧豎閒談蜀中薛濤製松花紙金沙紙雜色流沙紙采霞

金粉龍鳳紙綾紋紙近年皆盡惟十色箋尚在蜀志王衍以霞
光牋五百幅賜金堂令張蠙霞光當卽采霞也范成大云蜀中
粉牋正用吳法粉牋當卽金粉也費著云近世有百韻牋青白
牋學士牋小學士牋假學士牋又有王氏紙最下者冷金牋以
供泛使廣都紙有四色一曰假山南二曰假榮三曰冉邨四曰
竹紙皆以楮皮爲之其視浣花牋紙最清潔雙流紙亦名小灰
紙成都古今記益州十樣蠻箋曰深紅曰粉紅曰杏紅曰明黃
曰深青曰深綠曰淺綠曰銅綠曰淺雲凡十樣又有松花金沙
采霞金粉桃花冷金之別亦見章望之延漏錄

蜀錦

魏文帝詔前後每得蜀錦殊不善鮮卑尙復不受也吳所織如意虎頭連璧錦來至洛邑亦皆下惡是爲下土之物皆有虛名按山謙之丹陽記歷代尙未有錦而成都獨稱妙故三國時魏則市於蜀吳亦資西蜀至是始有之是曹子桓之言不善非實錄也吳張溫云劉禪送臣溫熟錦五端

博山文錦

鄴中記石虎冬月施斗帳用蜀地博山文錦或用紫綈小光明錦。

熟錦衣

李肇國史補韋皋在西川凡軍士將吏有婚嫁則以熟錦衣給

其夫氏以銀泥花給其女氏各給錢一萬死喪稱是訓練稱是
內附者富贍之遠遊者將迎之極其賤斂坐有餘力以故軍府
盛而黎甿重困及晚年爲月進終致劉關之亂天下譏之

擣蒲

演繁露今世蜀地織綾其文有兩尾尖削而中間寬廣者既不
象花亦非禽獸乃遂名爲擣蒲豈古制流於機織至此尙存也
耶

吸筭絲

杜陽雜編越嶲國有吸筭絲凡筭著之卽不墮用以織錦溼時
國人奉貢苾帝賜麗娟二兩命作舞衣暮宴於花下舞時故以

袖拂落花滿衣都著舞態愈媚謂之百花舞衣

桐魚

異苑武帝時吳郡臨平岸崩出一石鼓打之無聲以問張華華曰可取蜀中桐材刻作魚扣之則鳴於是如言聲聞數十里按晉書張華本傳作聲聞數里

蘇薰席

唐書地理志忠州南賓縣貢蘇薰席段成式游蜀記忠州墊江縣以蘇薰爲席絲爲經其色深碧南賓本瀘臨江縣

蜀瀘文

後漢書光武賜鄧壽蜀瀘文時論者以壽明達有文章故得瀘

文

莎羅毯

宋史蠻夸傳慶厯四年邛部州山前山後百蠻都鬼主佺黑遣將軍阿濟等三百三十九人獻馬二百一十犛牛一大角羊四犀株一莎羅罽一

金馬刀

漢書文翁傳如淳曰金馬書刀今賜計吏是也作金馬於刀環內以金鏤之晉灼曰舊時蜀髡工官作金馬書刀似佩刀形金錯其跗按李尤有金馬書刀銘云巧冶鍊剛金馬託形淬以清流礪以越砥

琵琶邏紗檀

樂史太真外傳妃子琵琶以邏紗檀爲槽寺人白季一作秀貞使

蜀還獻其木溫潤如玉光耀可鑒有金縷紅文盤成雙鳳以龍

香板爲撥絃乃末訶彌羅國一作拘彌國永泰元年所貢者淥水一作

緣水蠶絲也光瑩如貫珠琴瑟紫玉笛乃姮娥所得也按譚寶錄

開元中有中官白秀貞自蜀使迴得琵琶以獻其槽邏皆杪檀

爲之溫潤如玉光曜可鑒金縷紅文影成雙鳳非此微異

夜飛蟬

張泌粧樓記杜甫每朋友至引見妻子韋侍御見而退使其婦

送夜飛蟬以助粧飾按夜飛蟬多栖楮木上身綠有金色今人

尚以飾釵珥

釵器

後漢書和熹鄧皇后紀蜀漢釵器九帶佩刀竝不復調注釵音口以金銀緣器也揚雄蜀都賦雕鐫釵器百位千品說文云金飾器口也

四望蜀車

魏書高允傳特賜允蜀牛一頭四望蜀車一乘素几杖各一蜀刀一口

鸚鵡舟

蜀王本紀蜀王有鸚鵡舟

太白船

蜀王本紀秦爲太白船萬艘欲以伐蜀

梅花聯 五道聯

蠻司合志巡撫徐元太遣李應祥於大孤山禽阿弓斬之獲番刀有名梅花聯五道聯者皆羌中異物當時僭號諸蠻皆佩之

鐔于

齊書苾帝時廣瀋什邡人段祖以鐔于獻始興王鑑高三尺六寸六分圓三尺四寸圓如筒銅色黑如漆甚薄上有銅馬以繩縣馬令去地尺餘灌之以水又以器盛水于下以芒莖當心跪注鐔于以手振芒則聲如雷清響良久乃絕古所以節樂也校

晉語韋昭注鐃于形如碓頭與鼓相和博古圖周官謂鼓人以金鐃和鼓釋音以金鐃爲鐃于正謂是耳其製中虛椎首而殺其下丁展韻會一說形如鐘有舌謂之鐃于陳暘樂書自金聲之淳言之謂之鐃并齊史所謂形狀微不同後周太常卿斛斯徵識此器徵傳亦言自蜀得之依于寶周礼注以苳箛拊之其聲極清又按山海經是鐃于西海鄠璞注鐃于猶堪埶謂依附也

朱提銀

漢書食貨志朱提銀重八兩爲一流直一千一百八十它銀一流直千是爲銀貨二品郡國志注南中志云舊有銀窟數處諸

葛亮書云漢嘉金朱提銀采之不足以自食

瑞鞭

蘇鶚杜陽雜編貞元三年中常侍自蜀使迴進瑞鞭一其文節高有麟鳳龜龍之形體質微而麟甲毛羽無不備具其色照爛有類琥珀於暗中揮之有如電光上雖不好寶貨祥瑞及覽此鞭頗甚稱歎遂置之於明珠匣其匣蓋飾以明珠者也

果然褥

段成式蜀記戎人進果然褥阜褐碧三色相間元出馬湖口石門兩路蠻界內按罷國志云魍道有獸名獬胡似蜎而四足短一騰一百五十步如迅鳥之飛取此皮爲狐白之用盈百方成

亦見太平寰宇記

彭排

庶物異名疏諸葛孔明軍令曰帳下及右陳各持彭排急就章注盾一名戲亦謂之干卽今之旁排也按釋名彭排彭旁也在旁排敵禦攻也

飛蜚

諸葛亮侯軍令曰手舁箭如飛蜚按揚子方言箭其小而長中穿二孔者謂之鉶鏺其三鏺長六尺者謂之飛蜚風者謂之平顯文選閒居賦激矢蜚飛李善注引東觀漢記光武作飛蜚箭以射赤眉

萬人 冷豔鋸

刀劒錄關雲長爲先主所重不惜身命自採沓都山鐵爲二刀名曰萬人及敗惜刀投於水庶物異名疏關壯繆青龍偃月刀一名冷豔鋸

新亭侯刀

刀劒錄張飛初拜新亭侯自命匠鑄赤珠山鐵爲一刀名曰新亭侯蜀大將也

太乙

刀劒錄姜維于太原得一刀文曰宜爲將後遂爲將軍鍾會克蜀於成都土中得一刀文曰太乙會死入帳下王伯升後渡江

刀遂飛入水中不見

赤刀

刀劍錄黃忠爲漢先主定南疆得一刀赤于血

疥癆賓

唐書顧彥暉傳梓州有鏡堂世稱其麗顧彥暉常宴諸將堂上
養子瑤尤親信彥暉以所佩劍號疥癆賓佩之使侍左右語諸
將曰弄公等生死同之違者先齒疥癆賓按錦繡萬花谷作疥
癆賓又按五代史王建攻破梓州彥暉自殺彥暉將顧彥瑤顧
城已危謂諸將吏曰事公當生死以之指其所佩賓劍曰事急
而有叛者當齒此劍及城將破彥瑤弄彥暉召集將吏飲酒遂

弁之俱死卽此一事而紀載各異

軍器名

清異錄蜀王建初起軍中隱語代器械之名以犯者爲不祥其名弩爲百步王箭曰飛郎刀曰小遼巡劔曰奪命龍鐵蒺藜曰冷尖斧曰鐵糕糜甲曰千斤使鎗曰看二弓曰潘尙書鼓曰聖牛兒鑼曰響八旗曰愁眉錦

騰馬

刀劔錄蜀李雄以晏平元年造刀五百口文曰騰馬

仙槎

洞天集嚴遵仙槎唐置之於麟德殿長五十餘尺聲如銅鐵堅

而不蠹李德裕截細枝尺餘刻爲道像往往飛去復來廣明以來失之槎亦飛去

碧煖座

北夢瑣言蜀朝許承傑爲都頭軍僭越奢大騎碧煖座碧煖座者卽煖馬鞍也

傳國璽

五代史田令孜爲監軍盜傳國璽入蜀而埋之於庭永平二年尙食使歐陽柔治令孜故第穿地得之以獻

文樽

詞林海鎔蘇子瞻在蜀時以鉅竹尺許截爲雙筒謂之文樽

酒魁

朝野僉載蜀中有酒器名酒魁卽詩所謂大斗製象北斗有魁柄按穆天子傳注坐之於尊邊使爲酒魁卽說苑所云祭尊矣

青磁碗

吳叔秘閣閒設巴東下岩院主僧于水際得一青磁碗攜歸折花供佛明日花滿其中更置少米經宿米亦爲滿碗錢及金銀皆然

鐘牛

汲冢周書魚復鼓鐘鐘牛孔晁注魚復南蠻國貢鼓及鐘而似牛形者美致遠也楊慎外集夔府近掘地得一鐘形如犀斗匾

而長一面凸爲十八乳一陰一陽總爲九乳古詩睿鐘九乳鳴疑此鐘應睿宮律也一面古篆七十餘字人不能識惟夔字可辨魚復卽夔州地是古時善鑄鐘故貢之

隱形鐘

黎州圖經黎州聖鐘山古老傳此山有鐘聞其聲而形不見南詔犯境鐘則預鳴唐天寶太和咸通乾符之載羣蠻來寇皆有徵也昔有名僧講大乘經論鐘亦震焉乾寧中刺史張惠安請門僧京師右街淨眾寺惠維講妙法蓮花經一遍此鐘頻鳴如人扣擊知向所傳者不謬矣

攜鐘

洪慶善注九歌蕭鐘兮瑤簋以爲簫鐘二器乃樂聲之相應者
一蜀士曰簫卽擴廣韻云擊也楚詞以擊鐘對上句絃琴耳非
器名也

玉徽琴

尙書故實蜀中雷氏斲琴常自品第上者以玉徽次者以瑟瑟
徽又次者以金徽螺蚌徽

古鼎

唐書貞觀二十二年九月遂州涪水中獲古鼎二十一年六月
庚子眉州獻寶鼎重七百斤無耳足有篆書數字

仁壽鏡

文苑英華仁壽鏡賦序云天寶初有獻書闕下言巴蜀之間有石鏡見於巖之半仁壽之字昭然可觀

織成蘭亭

李潛撫異記西蜀有織成蘭亭

綠綺琴

古琴疏梁王賜司馬相如綠綺琴銘曰桐梓合精桉傳予琴賦齊桓曰號鐘楚曰繞梁相如曰焦尾伯喈曰綠綺陳暘琴論云相如綠綺傳咸琴賦序亦以綠綺屬之蔡邕焦尾屬之相如而蔡邕傳注引琴賦序相如綠綺蔡邕焦尾又文選張孟陽擬四愁詩注初學記並以綠綺爲相如之琴也

大匏琴

南蠻傳西舍利王雍羌獻其國樂至成都有大瓠琴二覆以牛
匏皆彩畫之上加銅甌以竹爲琴作虺文橫其上長三尺餘頭
曲如拱長二寸以條繫腹穿甌又匏木可受二升大絃應太簇
次絃應姑洗又有獨絃匏琴以斑竹爲之不加飾刻木爲虺首
張弦無軫以絃繫頂有四注如龜茲琴瑟絃應太簇又有小匏
琴二形如大匏琴長二尺大絃應南呂次絃應應鐘

鐵笛

陸放翁入蜀記光孝寺有西峯聖者畱鐵笛似銅鐵而非色綠
而瑩滑如綠玉不知何物僧懼爲好事者所奪郡官求觀之輒

出一凡鐵笛充數余昇監寺僧有舊獨得一見

龜壳

孔氏六帖張儀築成都城依龜行路築之李德裕鎮西川龜壳猶在後爲高崇文截作蜀帶胯

睢州水甕

范成大吳船錄蜀中睢州軍資庫中有一水甕滿貯石子每月朔祀之仍增水石各一器不知其幾年而至今不滿

無疾鏡

樵牧閒設孟昶時張敞得一古鏡徑尺餘光照寢室如燭舉家無疾號無疾鏡按古鏡辟一切邪魅蠱毒治暴心痛百蟲入耳

鼻中將鏡就之即出

鄧通錢

西京雜記文帝時鄧通得賜蜀銅山聽得鑄錢文字因好皆卓天子錢同故富侔人主時吳王亦有銅山鑄錢微重文字因好亦濫錢不異

傳形五銖錢

封演錢譜傳形五銖蜀漢昭烈帝所鑄文字輕重大小亦五銖無別但以五字在左銖字在右謂之傳形按蜀志先帝初拔成都車不足用劉巴曰但鑄直百錢平諸物價直百錢諒即傳形錢也通典西曹掾劉巴曰但當鑄錢一直百錢平諸物價令更

爲官市帝從之數月之間府庫充實文曰直百亦有勒爲五銖者大小秤兩如一焉竝徑七分重四銖

鐵錢

劉存馮鑑等事始以鐵爲錢自公孫述據蜀始也按漢書公孫述廢銅錢置鐵官錢注置鐵官以鑄錢粵易國志述廢銅錢置鐵錢百姓貨賣不行會要僞蜀廣政中始鑄鐵錢每鐵錢一千兼以銅錢四百凡銀一兩直錢千七百絹一疋直錢千二百而鐵工精好殆與銅相亂旣平蜀沈倫等悉收銅錢上供及增鑄鐵錢易民銅錢益買金銀裝發頗失裁製物價增長尋又禁銅錢入川界鐵錢十乃直銅錢二燕翼貽謀錄江南李唐舊有鐵

錢蓋因韓熙載建議以鐵錢六權銅錢四然銅錢之價相去甚遠不可強也江南末年鐵錢十僅值銅錢一江南平民間不肯行用轉運使樊若水請廢之太平興國二年二月詔官收民間鐵錢鑄爲農器以給江北流民之歸附者於是江南鐵錢盡矣然川蜀陝西用之如故川蜀每鐵錢一貫重二十五斤銅錢一當十三小民鎔爲器用賣錢二千於是官錢皆爲小民盜銷不可禁止大中祥符七年知益州凌策請鑄每貫重十二斤銅錢一當十民間無銍銷之利不復爲矣寶訓云真宗朝張詠鎮蜀患蜀人鐵錢之用不可貿易于是設質劑之法一交一緡以三年爲一界而換之始祥符之辛亥至熙寧之丙辰六十五年三

十二界雖至巧有不能易李燾長編仁宗天聖元年初蜀民以鐵錢重私爲券謂之交子以便貿易富民十六戶主之合璧事類川峽舊皆行鐵錢祖宗時利夔三州皆有鐵冶故卽山鑄錢邛州舊鑄歲十萬緡

科斗文錢

洪遵泉志趙抃成都記云唐乾符中蜀州刺史李師泰理第于錦浦昇李冰祠鄰距宅之北也形漸高岡走西南昇祠相接于其堂北鑿地五六尺得大冢甃甃甚固於甃外得金錢數十枚各重十七八銖徑一寸七八分圓而無孔去緣二分有隱起規文規內兩面各科斗一作蕃書書二十一字其緣甚薄有刃焉督役

者以白師泰師泰命竝金錢復瘞之李師泰昇王建爲隨駕五都之一校廣異記係乾寧三年丙辰非乾符也係蜀州刺史節度參謀李思恭非思泰卽刺史也又云理第于錦浦里北門內西迴第一宅此脫八字但云兩面各有書二十一字亦不言科斗書又云思恭命使者入青城雲溪山居以示道士杜光庭云此錢得有石餘思恭命竝錢復瘞之但不知誰氏之墓也其地北百步所有石笋知石笋卽此墓之闕矣自此甚靈人不敢犯其後蜀主改置祠堂享之洪氏引不全今据補

獅子韞

清異錄去習者行至峨眉山下而隱蓄三隻韞常穿二補一歲久

裂帛交雜望之茸茸焉自呼爲獅子韞

樓鞋

巖棲幽事樓鞋出蜀中南叢林皆作吳人不能製也

竹麻屨

花木考慈竹秋笋高數丈尾甚柔細如釣絲又名釣絲竹厯冬及春始開葉其葉左右竝列如鳥翎狀初歲極嫩土人破爲篾裂以成麻可爲屨號爲竹麻屨出敘州府

石珠

錄異記江州南五十里有店名七里店在蛇江之南小山上
有石青色堅膩俗云石中有珠每至中秋往往羣飛凡十餘枚如

流星往來或聚或散石上時有光景相傳云珠藏於此

桃核

酉陽雜俎蜀後主有桃核二扇盛水五升良久成酒能醉人更互貯水以供其宴按亦作劉璋事

詩板

王定保撫言蜀路有飛泉亭詩板百餘薛能過之盡打去唯留李端巫山高一篇

黔石硯 瀘石硯 萬石硯

米芾硯史夔州黔石色黑理乾間有點如黑玉發墨按卽子虛賦所云子鴈也張揖注子鴈黑石可用磨也志引硯史作黔石

末句云如黑玉光發墨不乏又按黃山谷集有瀘石硯銘米帖
萬州縣崖金星石墨澗有銅屑眼如豆發墨扣無聲萬又有礞
洞石